

ხელშეკრულება
სახელმწიფო შესყიდვების შესახებ N 01-03-113

ქ. თბილისი

12 ივნისი 2017 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის გიორგი მაჩაბელის სახით;

მისამართი: ქ. თბილისი, გმირ კურსანტთა ქ. №1;

საიდენტიფიკაციო კოდი: 202374251;

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: სს „ბორჯომი ლიკანი ინტერნეიშენალი“ წარმოდგენილი მისი გენერალური მენეჯერის დერია გოქსანის სახით (რწმუნებულება/მინდობილობა დამოწმებული ნოტარიუსი დავით იმნაძის მიერ 2016 წლის 7 ნოემბერს, სანოტარო მოქმედების რეგისტრაციის წესით);

იურიდიული მისამართი: ქ.თბილისი, ვაჟა-ფშაველას გამზირი, II კვ, კორპ.25, ბინა 39;

ფაქტიური მისამართი: ქ. თბილისი, გაზაფხულის ქ. N 13

საიდენტიფიკაციო კოდი: 405070140;

საბანკო რეკვიზიტები: სს „საქართველოს ბანკი“, ბანკის კოდი: BAGAGE 22, ა/ა:

GE23BG0000000868483300.

ერთი მხრივ, შემსყიდველი და მეორე მხრივ, მიმწოდებელი გამარტივებული ელექტრონული ტენდერის (სატენდერო განცხადების ნომერი N- SPA 170007247) გათვალისწინებით, დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. „დღე“, „კვირა“, „თვე“ – კალენდარული დღე, კვირა, თვე;

1.3. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.

1.4. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრის სტრატეგიული დაგეგმვისა და ანალიზის სამსახურის ფარგლებში დაგეგმილი გასვლითი სამუშაო შეხვედრის ჩასატარებლად სასტუმრო-საკონფერენციო მომსახურების შესყიდვა, რომელიც მოიცავს მონაწილეთა სასტუმროში დაბინავებას, შეხვედრების, კონფერენციების ორგანიზების მომსახურებას და კვებას (CPV 55110000 - სასტუმროში დაბინავების მომსახურება; 55120000 - სასტუმროში შეხვედრებისა და კონფერენციების ორგანიზების მომსახურება; 55130000 - სასტუმროსთან დაკავშირებული სხვა მომსახურებები).

მუხლი 3. ხელშეკრულების ღირებულება

- 3.1. შესასყიდი ობიექტის ფასი განისაზღვრება ეროვნულ ვალუტაში;
- 3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 8707.40 (რვაათასშვიდაშვიდი ლარი და 40 თეთრი) ლარს დღგ-ს ჩათვლით;
- 3.3 გასაწევი მომსახურების დასახელება, რაოდენობა და ერთეულის ფასი მოცემულია დანართ N 1-ში;
- 3.3 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის საკუთარი შემოსავლები.

მუხლი 4. შესასყიდი ობიექტის ხარისხი

- 4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება ყველა მოქმედ სტანდარტებს და ნორმებს;
- 4.2 მიმწოდებელი აცხადებს, რომ გაწეული მომსახურება იქნება უნაკლო.
- 4.3 გასაწევი მომსახურების მახასიათებლები და ტექნიკური აღწერილობა:
- 1) სასტუმროში მონაწილეთა დაბინავება უნდა განხორციელდეს შემდეგნაირად:
- ა. 20 (ოცი) მონაწილე უნდა განთავსდეს არაუმეტეს 1 (ერთი) ადგილიდან ნომრებში;
- ბ. სასტუმრო ნომრები აღჭურვილი უნდა იყოს ინდივიდუალური სველი წერტილებით, ცივი და ცხელი წყალი (24 საათი), გათბობა-კონდიციონერების გამართული სისტემით (24 საათი), ნომრებში უნდა იყოს ინდივიდუალური საწოლები (გასაშლელი საწოლები არ იგულისხმება), ოთახებში დაცული უნდა იყოს სანიტარული ნორმები და უნდა იყოს შესაბამისი რაოდენობის პირველადი ჰიგიენის პროდუქტები (საპონი, შამპუნი, დასაბანი გელი და სხვა). ნომრები უზრუნველყოფილი უნდა იყოს სასმელი წყლით ბოთლებში: სასტუმროს 1(ერთი) ბინადარზე არანაკლებ 1 (ერთი) ლიტრი. სასტუმროს პერსონალმა უნდა უზრუნველყოს სტუმრების ტვირთის მათ კუთვნილ ოთახებამდე და ნომრიდან სატრანსპორტო საშუალებამდე მიტანა.
- გ) სასტუმროში უზრუნველყოფილი უნდა იყოს ინტერნეტის მუდმივი მომსახურება - Wi-Fi ქსელი არანაკლებ 1 მგ/წმ, როგორც ყველა ოთახში, ასევე სამუშაო, შეხვედრების, სატრენინგო და საკონფერენციო ოთახებში. ინტერნეტის მინიმალური სიჩქარე 1 (ერთი) მგბ/წმ., wifi როუტერი უნდა იყოს განლაგებული ყველა სართულზე;
- 2) სასტუმროში შეხვედრების და კონფერენციების ორგანიზების მომსახურება (სატრენინგო ფართის დაქირავება):
- 1 (ერთი) საკონფერენციო დარბაზი 2 (ორი) დღე 20 (ოცი) მონაწილეზე. საკონფერენციო დარბაზში უნდა იყოს :
- ა) 5 (ხუთი) სამუშაო მაგიდა და სკამები 20 (ოცი) მონაწილისთვის;
- ბ) 2(ორი) მობილური და 1(ერთი) დასადგამი მიკროფონი;
- გ) პროექტორი და პროექტორის დაფა;
- დ) ლეპტოპი/ კომპიუტერი;
- ე) აუდიო მოწყობილობა გახმოვანებისთვის;
- ვ) ინტერნეტი;
- ზ) 1(ერთი) ტრიბუნა 1(ერთი) ადამიანზე;

თ) ტრენინგის მონაწილეები უზრუნველყოფილნი უნდა იყვნენ ერთი ლიტრი (ბოთლით) წყლით/მინერალური წყალით (თითო პერსონა) და მრავალჯერადი გამოყენების ჭიქებით.

საკონფერენციო დარბაზში უნდა იყოს გამართული კონდიციონერი (გათბობა/გაგრილების საშუალება), არ უნდა იყოს სარდაფში ან ნახევრად სარდაფში. უნდა ჰქონდეს დღის ბუნებრივი განათება (უფანჯრო ოთახები არ განიხილება) და უნდა ნიავედებოდეს, არ უნდა ემიჯნებოდეს სამზარეულო სივრცეს.

3) სასტუმროში კვებასთან და ყავა-ჩაის შესვენებასთან დაკავშირებული მომსახურება:

კვებითი მომსახურება მოიცავს ორჯერად კვებას და ყავა/ჩაის შესვენებას. შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. მენიუ უნდა მოიცავდეს ვეგეტარიანულ, ასევე სამარხოვ და არასამარხოვ კერძებს, ამასთან მენიუ უნდა შეიცავდეს:

საუზმე:

- 1) გარნირი (2 სახეობის);
- 2) რძის ნაწარმი (2 სახეობის);
- 3) ძეხვეული (2 სახეობის);
- 4) ცომეული (2 სახეობის);
- 5) დესერტი (2 სახეობის);
- 6) სასმელი (ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით)).

სადილი:

- 1) ცხელი კერძი (3 სახეობის, მ/შ 1 - წვნიანი);
- 2) გარნირი (3 სახეობის);
- 3) ძეხვეული (2 სახეობის);
- 4) რძის ნაწარმი (2 სახეობის);
- 5) ცომეული (2 სახეობის);
- 6) დესერტი (2 სახეობის);
- 7) სასმელი: (ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით)).

ვახშამი:

- 1) ცხელი კერძი (3 სახეობის);
- 2) გარნირი (3 სახეობის);
- 3) ძეხვეული (2 სახეობის);
- 4) რძის ნაწარმი (2 სახეობის);
- 5) დესერტი (4 სახეობის, მათ შორის ტირამისუ/ტორტი);
- 6) ცომეული (2 სახეობის);

- 7) სასმელი (ყავა, ჩაი, გამაგრილებელი სასმელი, ნატურალური წვენი, მინერალური სასმელი (ჩაი და ყავა უნდა იყოს შეუზღუდავი რაოდენობით).

ყავა-ჩაის შესვენება:

- 1) დესერტი (5 სახეობის);
- 2) სასმელი - ყავა, ჩაი, გამაგრილებელი სასმელი (ყავა და ჩაი უნდა იყოს შეუზღუდავი რაოდენობით).

შენიშვნა:

- 1) შემსყიდველის მოთხოვნის შესაბამისად, დარბაზში შეიძლება განხორციელდეს თეატრალური განლაგება;
- 2) სასადილო ოთახში უნდა იყოს გამართული კონდიციონერი (გათბობა/გაგრილების საშუალება), კვებითი მომსახურების ზუსტი დრო დამატებით უნდა შეთანხმდეს შემსყიდველთან.

მუხლი 5. მომსახურების გაწევის ვადები და ადგილი

5.1 მომსახურების გაწევა განხორციელდება: 2017 წლის 14-15 ივნისი (1დამე);

5.2 მომსახურების გაწევის ადგილი: ბორჯომი, დაბა ლიკანი, მესხეთის ქ. N16, სასტუმრო „Rixos Hotel.“

მუხლი 6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.4 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის სტრატეგიული დაგეგმვისა და ანალიზის სამსახურის მთავარი სპეციალისტი ხათუნა დოლიაშვილი, მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

7.1 ანგარიშსწორება განხორციელდება მიღება-ჩაბარების (შესრულების) აქტის გაფორმებიდან არა უგვიანეს 10 (ათი) სამუშაო დღისა;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 „შემსყიდველი“ ვალდებულია:

8.1.1 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ გაწეული მომსახურების ღირებულება;

8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.2 „შემსყიდველს“ უფლება აქვს:

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.3 „მიმწოდებელი“ ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით გამოასწოროს გამოვლენილი ნაკლი;

8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

8.4 „მიმწოდებელს“ უფლება აქვს:

8.4.1 წარუდგინოს შემსყიდველს ფიზიკურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიმწოდებლის მიერ შემსყიდველის მიერ ხარისხობრივი შემოწმების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;

9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;

10.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. -

10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის სტრატეგიული დაგეგმვისა და ანალიზის სამსახურის უფროსი მაია არავიაშვილი, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია წერილობით შეატყობინოს მეორე მხარეს მიღებული გადაწყვეტილება და მისი მიღების საფუძველი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე არაუმცირეს ერთი თვით ადრე;

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

მუხლი 12. ხელშეკრულების პირობების გადასინჯვა

12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და

ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყა ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებები შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2017 წლის 31 ივლისის ჩათვლით.

მუხლი 15. დავები და მათი გადაწყვეტის წესი

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ “შემსყიდველი” და “მიმწოდებელი” მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტილ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

მოვალეობები, მეორე მხარის წერილობითი თანხმობის გარეშე;

16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5 წინამდებარე ხელშეკრულება არ შეიცავს არანაირ სიტყვიერ დამატებას;

16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9 ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე. 2 (ორი) ეგზემპლარი ინახება შემსყიდველთან, ხოლო 1 (ერთი) ეგზემპლარი გადაეცემა მიმწოდებელს;

16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;

16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

„შემსყიდველი“

სსიპ - მასწავლებელთა პროფესიული

განვითარების ეროვნული ცენტრი



გიორგი მაჩაბელი

დირექტორი

„მიმწოდებელი“

სს „ბორჯომი ლიკანი ინტერნეიშენალი“



დურია გოქსანს

გენერალური მენეჯერი

გასაწევი მომსახურების ხარჯთაღრიცხვა

2017 წლის 14-15 ივნისი

ა) სასტუმრო საკონფერენციო/სატრენინგო მომსახურება სასტუმროში დაბინავების

№	გასაწევი მომსახურების დასახელება	მონაწილეების/დარბაზის რაოდენობა	თარიღი	რაოდენობა	ერთეულის ფასი	საერთო ფასი (ლარი)
1	სასტუმროს ნომრით მომსახურება (შესვლა 2017 წლის 14 ივნისს, გამოსვლა 15 ივნისს)					
1.1	ერთადგილიანი ნომერი	20	14/06/2017	1 ღამე	227.92	4558.40
ჯამი						4558.40
2	საკონფერენციო ოთახის მომსახურება (2017 წლის 14-15 ივნისი)					
2.1	საკონფერენციო დარბაზი (20 პერსონაზე)	1	14/06/2017 15/06/2017	2 დღე	0	0
ჯამი:						0
3	კვებითი მომსახურება (2017 წლის 14-15 ივნისი)					
3.1	საუზმე	20	15/06/2017	1 დღე	0	0
3.2	ვახშამი	20	14/06/2017	1 დღე	67.49	1349.80
3.3	ყავის შესვენება	20	14/06/2017	1 დღე, 2-ჯერ	12.49	499.60
3.4	ყავის შესვენება	20	15/06/2017	1 დღე, 2-ჯერ	12.49	499.60
3.5	სადილი	20	14/06/2017 15/06/2017	2 დღე	45.00	1800.00
ჯამი:						4149.00
სულ ჯამი:						8707.40

მხარეთა ხელმოწერები

„შემსყიდველი“

სსიპ - მასწავლებელთა პროფესიული

განვითარების ეროვნული ცენტრი

გიორგი მაჭაბელი

დირექტორი

„მიმწოდებელი“

სს „ბორჯომი ლიკანინტერნეიშენალი“

დერია გოქსანს

გენერალური მენეჯერი